

夫志鄉國之史作者詳或失之之泛簡或
失之畧私失之去取不守一如是志法
廢矣昔者司馬氏世爲太史談未及者
遷畢其論著爲史家獨步我康長公會
作武功志散失不存對山太史繼而成
之其繁簡取捨咸得精守說者謂不愧

武功縣志

跋

司馬父子其知言哉

正德庚辰春二月北山居士楊武跋

澣後學吳門沈華紀榮氏謹

記



武功縣前志

記

重刊武功縣前誌記

對山先生斯志七篇耳而叙事
簡括詳盡海內咸推第一第以
有明迄今百數十年剝刷糝粉
幾於烏焉莫辨觀者殊難醒目
若任其朽脫不為修整則歲月

武功縣前志

記

浸尋馬史班書俱歸灰塚用是
滋懼今搜得康氏家藏舊本捐
金重刊庶公之海內閱者一目了然
不致有尋聲索字之苦而名公
史筆重光或亦為斯邑文獻之
一助云爾雍正甲寅年孟春上

武功縣志序

予嘗兩至武功涉漆釣渭陟雍丘遊鳳
麓渡渭而尋香山終南一奇也顧北嶽
則見瓊林襟帶翠宇巒揖讓珍木蔚蒼
灑光組繡風雲翕乎四東龍虎壑而交
庭未嘗不飲田粟命筆而美斯地之勝
也及予訪所程墟躡見唐生宗之籍向
蘇子卿之胤參張橫渠之象誦康之

序

書之勲然後知斯地之教而對客談山言
未或忘之夫美稼不發境墉修松不挺
塢斯已於矣若乃楨高而榮木堵不繼
表正而式彰弗端則求諸嗣有政教者
焉夫后稷政之祖稷淳教之宗官無后
稷之心者皆忍夫師無橫渠之志者皆
負客如仁義之有托即政教之威與
醫素絃人物有不恒茂者乎雖然政不
必皆官議

法者即可立教不必皆師見道者即可
端故陳烈之政亦行七原綿駒之歌能教
齊右武功之志凡以憂夫此也志七篇地理
約而不漏建置則而有據初祀先之而後告
官師直書而勸戒自刑人物之志浩乎其
無窮也君子於是乎思古於是乎徵卜於
是乎開求其志已勤矣選舉崇義而黜
利蓋志之良者也學者觀其志目亦思五
半矣是志也撰之者吾友康子德涵刻
之者邑侯西蜀馮玉仲則斯叔家也為有
歸矣

正德己卯冬十一月甲寅涇野呂紳書

武功縣志序

武功康子作志七篇以記載武功之故緒理要會蓋聚然明脩
矣至其覈事顯義用昭勸懲有可述焉夫先王之政紀其山川
辨其疆域程其土宜稽其俗尚肆其采物以謹封守而察時變
故書叙九丘詩陳列國採風者具其美惡董事者正其得失務
在因道財化追俗爲制以施于久遠已爾夫天下之勢其所由
來亡不有漸苟非蚤見而力救之則其勢莫可回而患成循約
而治厚生而安其始未嘗弗一致迨于風尚澆淺而德實靡泮
其治不可長也戶口繁增而生利感薄其安不可久也可以弗
慎其漸哉余覽康子之書其地畝則由狹而廣口戶則由寡而

武功縣志序

衆賦役則由省而興財費則由約而靡其業產則由富而貧地
利則由饒而咸民性則由強而弱風俗則由厚而漓吏治則由
良而奸人才則由實而虛文教則由振而委亡弗降本流未廢
正趨弊者嗟乎豈獨一邑然哉由此可以例諸四方矣。正
德十四年己卯冬十二月五日大復山人汝南何景明撰并書

武功縣志目錄

許西山人康海撰次

卷之一

地理第一

建置第二

祠祀第三

卷之二

田賦第四

官師第五

卷之三

武功縣志

目錄

人物第六

選舉第七

夫志者記也記其地理風俗人物之事也武功志余先君子長公蓋嘗述之然縣官掌故弗嚴人匿之矣余於是卒成先人之志畧序撰之凡山川城郭與風俗推移皆地理所具作地理第一官署學校及諸有司所興行皆建置之事作建置第二治民人者先其神故祠祀興焉作祠祀第三有田則有賦有身則有役田賦之政國所重焉作田賦第四疆域人民非官不守禮樂教化非官不行作官師第五文獻之事邦邑所先以稽古昔以啓後賢作人物第六

科貢制行士錄以興作選舉第七凡七篇

武功縣志

圖

禮泉九十里

東至興平九十里

東南至鄂

北至縣圖

馬午里 長寧鎮 長寧舖

興城里

渭原里

里十九

韓店里 可會舖 韓店舖

顯義里

會同里

董晁舖

古邵城 邵封里

永豐里

東岳廟

漆水

風雲雷雨壇

綠野書院

北至乾州

奉安里

騰壇 火台 星台

雲台

南至藍屋



武功縣志

圖

西至扶風五十里

西南至郿



七十里

遊麟至北西

一百二十里

里十五


里十四



武功縣志

圖

三



蘇若蘭織錦回文璇璣圖詩

仁智懷德聖虞唐貞妙顯華重榮章臣賢惟聖配英皇倫匹離飄浮江湖津
傷嗟情家明范榮志庭園亂作人讒佞奸凶害我忠貞采函慈雍忠恭基河
慘歎中無鏡紛為篤明難受消源禍因所恃恣極驕盈榆頑孝和淑自為隔
懷懷傷君朗光誰終榮苟不義姬班女媧好辭釐漢成薄侵休家貞記孝案
慕所路房容珠感誓城傾在戒后孽變趙氏飛燕實生景讓退遠敦貞敬殊
增離曠擘飾懼思穹煢猶炎盛興漸至大伐用昭青青昭愚謙危節所是山
憂經遐清華英多蒼形未在慎深慮微察遠禍在防萌西滋蒙疑客侍從梁
心荒淫忘想感所欽岑幽巖峻岷岷深淵重理經網羅林光流電逝推生民
堂妃闈飛衣誰追何思情時形寒歲識凋松愆居歎如陽移陂施為祇差生
空后中奮袞為相如感傷在勞貞物知終始舊獨懷何潛西不何誰神無感
惟自節能我容聲將自致君想顏喪改華容是為女賤矐日日激與通者曠
思興厲不歌治同情寧致側夢仁賢別行士念誰賤鄙矐白無憤將上採悲
詠風樊歎發觀材纏龍旂容衣詩情明顯怨哀情時傾英殊妻殊身節非露
和周楚長雙華宮憂虎彫飾繡始璇璣圖義年勞歎奇華年有志飭志封長
音南鄒歌商流微股繁華觀曜終始心詩與感遠殊浮沉時盛意麗哀遺身
藏卻衛詠齊矐情多文矐壯顏無平蘇氏理往憂歲異浮惟必心華惟下微
摧伯女志興榮傷患稔榮麗充端比作麗辭日思慕世異逝倏違榮感體憫
悲窮河遐碩翠感生嬰漫丁寃詩風興鹿鳴懷悲哀誰逝倏無一俯憂作已
聲寃廣路人桑我艱是漫是何桑翳感孟宣傷感情者頽然盈體仰情者處

武功縣志

卷之一

發淑思委其成情惟憂何艱生時盛昭業傾思承感我流若不忠容何成湘
曲姿歸迤所蕤悲苦懷思苦我章徽恨微玄悼歎感知沙馳虧離儀贊辭房
秦王懷土眷舊鄉身加兼愁悴少精神遐幽曠遠離風麟龍昭德懷聖皇人
商遊桑鳩揚仇傷榮身我手集缺忽辜何因備嘗苦辛當神飛文遺分歸賤
絃西翳雙激好摧君深日潤浸愆思罪積怨其根難尋所明輕殊孤垂雁為
激階陰巢水悲容仁均物品育施生天地德貴平均勻專通身繁矣殊翔女
楚步林燕情思發離濱漢之步飄飄離微隔喬木誰陰一感寄飭散聲應有
流東桃飛泉君歎殊心改者感暱親聞遠離殊我同余志精浮光離哀傷柔
清廊休翔流長愁方禽伯在誠故遺舊廢故君子惟新貞微雲輝翠春剛
琴芳蘭凋茂熙陽春綺面殊意感故新霜冰齊潔志清純望誰思想懷所親
四圍縱橫初行八行十五二十二二十九行及仁嗟斜至春親琴廊斜至基津以朱
畫其形如錦按讀法此色凡三圖餘四色色各一圖共詩三千七百五十二首
四隅嗟情至英多遊桑至長愁神飛至悲春凶慈至持從縱橫皆六字以墨畫
正面妃圍至鞋悲移陂至贊辭縱六字橫十三字兩旁庭圍至防萌身我至惟新縱
十三字橫六字以青畫
中方正面龍旂至麗充衰情至暮世縱四字橫五字兩旁爽歲至行上詩風至微玄
縱五字橫四字以紫畫
中方四隅思情至側夢嬰漫至苦我愆居至賤鄙懷悲至戚知縱橫皆四字又中縱
各五字詩情至顯怨端比至麗辭橫各五字詩始至無端怨義至理辭空中心璇璣
圖始平蘇氏詩心九字以黃畫

武功縣志卷之一

地理志第一

武功古有釐氏之國也有釐氏有女曰姜嫄爲帝嚳元妃
生棄教民稼穡有功堯封於釐號曰后稷后稷卒子不窋
嗣不窋末年夏后氏政衰去稷不務乃奔於戎狄之間周
興爲岐豐之城平王東遷賜豐鎬於秦釐遂爲秦邑至始
皇列天下爲郡縣以釐爲榮漢改武功縣隸右扶風去古
釐城二十里王莽曰新光東漢復徙古釐城魏置爲武功
郡領美陽縣晉改屬始平郡後魏復爲武功郡周改雍州
武帝建德三年復置武功郡治釐城已而復爲縣隋改隸
武功縣志

卷之一

地理

一

京兆郡唐武德三年改置稷州以武功好時蓋屋郿鳳泉
隸之尋又析始平置扶風縣四年以岐州國川隸之七年
又以隸岐州貞觀元年隸雍州文明元年析以奉乾陵武
氏天授二年又置稷州領武功乾寧二年以奉天置乾州
領好時武功蓋屋醴泉而屬京兆府後唐同光中隸鳳翔
長興元年復立京兆而以武功隸焉後晉置武功郡後周
復改爲縣宋隸永興軍路京兆府政和八年同醴泉移隸
醴州金改武亭縣元復爲武功隸乾州明興因之而通屬
西安府廣五十五里袤五十里東興平東南鄠南蓋屋西
南郿西扶風西北麟遊北乾州東北醴泉城圍三里二百

二十步半附雍原之麓元末張良弼李思齊增築以據守者循原又列十有二城洪武九年長興侯弟都督忠奉詔屯戍於此以控制關內復增築之諸城皆至今存舊志云雍州之域并鬼之次有平原控其東鳳崗翼其西長川帶其北終南太白揖其南蓋古形勝之區強武之國也治凡十五里

里名見建置志社學下

舊志有山原七川六太乙山屬整屋太白武功兩山與褒谷水屬郿五丈原屬岐三峙原屬扶風故俱不復載載其今有者

東原在縣東其西與雍原相直或曰通西原皆謂雍原云

武功縣志

卷之一

地理

二

雍原卽縣西原城所附者古周原也鳳岡者原北行岡也

武亭川縣川也其南十二里古川口蓋漆水川也

漆水縣東門外水今謬爲武水者也自幽岐之間來縣北受浴水南受滯水入渭鄭漁仲序地理畧謂天下如指諸掌而信漆由富平入渭之說蓋括地志未審幽岐涇渭脈絡所在富平在涇東漆在涇西安有岐梁之水越涇而東再至富平始入渭耶漁仲誤且如此况其餘乎詩曰自土沮漆漢書曰釐在漆縣今郃與釐同封里有漆村是也

浴水乾州西夾道水也亦從幽西梁山來意此或卽沮水

關西人讀浴若于于沮固易訛爾漁仲亦以東自富平
入渭殊誤

渭水即圍川水自扶風東門外受鳳泉水至縣南從漆水
入渭

建子溝在縣南十七里近慶善宮

美陽故城在縣西原八里後漸徙鳳泉東則今扶風境內
也

古釐城在縣南八里漆村東古有釐氏之國也今縣西南
三十里亦有釐城者前漢徙置之爾

高泉宮在古美陽城秦宣太后宮也

武功縣志

卷之一 地理

三

慶善宮在川口東南今沒於渭唐高祖故宅武德六年改

名慶善宮太宗所生宅也貞觀六年幸之宴從臣賞賜

閩里同漢沛宛帝歡甚賦詩詩曰壽邱唯舊跡豐邑乃
前基粵予承累聖懸弧亦

在茲弱齡逢運改提劍鬱匡時指麾八荒定懷柔萬國
夷梯山咸入欵駕海亦來思畢于陪武帳景逐衛文螭

端宸朝四岳無為任百司霜節鳴秋景輕冰結水湄起
玄黃遍原隰儲峙積京坻共樂還譙燕歡此大風詩起

居郎呂才被之管絃為功成慶善樂名九功之舞十一

年冬獵於武功賦冬狩詩詩曰烈烈寒風起慘慘飛雲
浮霜濃凝廣隰冰厚結清流

金鞍移上苑玉勒騁平疇旌旗四望合置網一面求楚
摺爭麋禮秦巴解鹿愁獸怵投密樹鳥驚起沙洲騎斂

原塵靜戈迴嶺日收心悲洛汭逸意因再幸慶善宮更
在渭濱遊禽荒非所樂撫轡更招憂

賦詩詩曰代馬依初吹驚禽愁昔叢况茲承睿德懷舊
感澹衷積善忻餘慶暢武悅成功垂衣天下治端

拱車書同白水巡前跡刊陵幸舊宮列筵歡故老高宴
聚新豐駐蹕撫田峻迴輿訪牧童瑞氣縈丹闕祥煙散
碧空孤嶼含霜白遙山帶日帝又有過武功舊宅詩二
紅於焉歡擊筑聊以詠南風

篇許敬宗上官儀應制奉和焉今悉附於篇可以觀見

當時之盛云帝詩其一新豐停翠輦譙邑駐鳴笳園

荒一徑臺古半階斜前池消舊水昔樹

發今花一朝離此地四海遂成家其二金輿巡白

水玉輦駐新豐紐落藤披架花殘菊破叢庭鋪荒草蔓

流竭半池空紉佩蘭菊徑舒珪葉剪桐昔地一藩內今

宅九圍中駕海波澄鏡鞘戈器反農八表同文軌無勞

歌大風敬宗詩飛雲臨紫極出震表青光白爾家寰海

今茲反帝鄉情淡感代國樂甚宴譙方白水浮佳氣黃

星聚太常參鳳鳴晉鄧雀賀雕梁桂山猶總翠蘅薄

尚流芳琴鱗有遺皓沐德林稱觴儀詩石關清晚夏旋

輿御早秋神麾颺珠雨仙吹響飛流浦水祥雲泛宛郊

瑞氣浮大風凝漢筑叢烟入舜球翠梧臨鳳邸滋蘭帶

鶴洲偃伯歌玄化息蹕頌王宮後又改為慈德寺史逸

遊遺簪謬詔獎珥筆荷恩休

武功縣志

卷之一 地理 四

其年今寶村北仍有寺名慈德蓋沒而遷者也

釐亭在縣西南三十里漢地理志載亭長事者也東漢徒

縣古釐城而以為亭也今屬扶風縣

高望亭在縣東二十五里唐天后武氏行宮世說中宗築

以望乾陵者

綠野亭今在縣南郭東外為宋儒張子子厚寓所張子與

武功簿張山甫厚故武功弟子因從子厚遊亭此講學

焉弘治八年冬戶部尚書沁水李瀚時以御史巡按至

諸生以修復綠野亭白御史御史迺謀於提學副使今

少傅吏部尚書楊公一清楊公以知縣宋學通有良治

能用其民一以責學通踰年乃成改曰綠野書院擇師

授徒文教彬彬然勃興焉書院前為堂祠祭子厚而後

建講堂學舍故禮部尚書吳文定公寬有碑碑曰關中

橫渠張先生當宋之盛以道學鳴於時君子以其德尊

與孟子比夫自堯舜至於孔子率五百歲而道一傳孔

子沒而道無所傳此孟子之自敘而其自任之意亦可

見也至昌黎韓氏以刺之死不得其傳則直歸之孟子

然至其時已千歲矣所謂以其數則過矣者而秦漢以

下儒者亦多而曰不得其傳則孟子豈易比哉自唐至

於宋又五百歲始得濂溪周子河南程子先生實並時

而出而君子獨以先生比之孟子雖程子亦推稱之則

其人品之高豈非振古豪傑之士哉故當是時學者爭

師宗之人至於今過其地仰其人肅然起敬不能自己

武功為西安屬縣城南有綠野亭先生之遺跡也蓋先

生少時學尚未醇及至洛中見程子論易自以為弗及

乃遂西還以與學者講究後既出仕於朝他日治獄外

郡而還即移疾屏居南山下以事著書蓋史之所記大

武功縣志

卷之一

地理

畧如此綠野之跡豈其西還與屏居之時乎陝西提學
按察司副使楊君應寧由近臣出領學政公勤善教士
子經指授者輒取科第君曰此非所以教學者也嘗行
縣顧瞻山水明麗可愛所謂綠野亭者歲久既毀而遺
址猶存先賢風旨宛然如見始謀即其地構屋以祠先
生別為屋俾士子講習其中庶幾仰止景行之意諸生
聞之相與感激言於巡按御史李君叔淵叔淵雅重風
教乃下其事於君君以縣令宋學通嘗復古廢祠亦知
急先務者復以事委之學通方經度財用而邦人士咸
樂相助數月而功畢名之曰綠野書院擇士子充於其
中而以縣學訓導趙文傑為之師俾日講性理之學凡
縣學諸生則三日一至聽講其規約大率與白鹿雒陽
類未幾若西安鳳翔諸生聞風就學者踵至君時坐堂
上躬督勸之派風乎道學之流行也君既喜其志之成
問以書請記夫養士於學校取士於科第此朝廷今日
之法然學校之所講習者皆經傳之精微欲用其人特
以科舉取之耳為士者昧其意以聖賢之言止用以資
為利祿之計而不知道與法之不相背也今幸賢憲臣
有見於此績其故翼特為此舉以興作之學政之大無
踰於此其用心可謂至矣使今之領學政者皆如君之

用心風教其丕變也乎雖然聖賢之言學者於此無弗當講者而橫渠先生尤吾今日臯比之師也其書則正蒙西銘具在因其言求其心反之於躬見之於事而又謹其節文循其以禮為教之規拔於流俗為世醇儒此固賢憲臣所望於士子者也於是取科第出為世用以行其所學賢憲臣之意亦豈為士子禁哉書院建於弘治九年六月工畢於是年十二月明年十月癸未記今去改建才二十三年矣其

廢壞已十四五况久遠乎綠野亭故在漢義勇武安王廟後稍北原下有古洞成化末猶傳有石刻亭記居民惡其害已也乃投其石於井中宋侯欲去狹隘且厭與細民爭校故移之於此此故葆真庵宋侯易民田恢潤爾何若仍置諸山下為實錄近理也縣學訓導趙文傑詩城南步百

武功縣志 卷之一 地理 六
路西村四五常開小洞門綠野有名亭已沒荒碑少字石猶存經霜柏老乾坤影遠帶河流今古痕仰止橫渠

尋未得日中立馬到黃昏 正德壬申翰林院修撰高陵呂柟於綠野書院謁橫渠先生祠堂詩 二月入武功載謁橫渠祠春桃雜芳潤好鳥鳴天枝綠野終南翠含情實在茲昂求會夙夜人込道未涯徹臯下程氏執禮西仲尼表時脫支蔓訂頑那有私瞻依真氣象無復夢中疑茲邦有君子跡殊路不岐豪邁存餘烈高懷有我知鵬飛要扶搖鯤化自天池斯文應不斬白日今見之

常應物宅應物長安人漁陽兵亂後流落失職始更折節讀書屏居於武功然莫知何里其經武功舊宅詩云邑昔所遊嘉會嘗在目歷載俄二九始往今來復感感居人少茫茫野田綠風雨經舊墟毀垣迷在躡門臨川流駛樹有羈雌宿多累恒悲往長年覺時速欲去中復留徘徊結心曲

姜嫄墓舊志云在上南門外南去三百六十步又西四十步有三坎墓在坎上與東原梅家莊直

隋煬帝墓在縣西原武德五年八月辛亥唐高祖葬帝於此

蘇武墓在縣北

蘇許公墓在縣西南博村其神道碑在新寨西道南

游師雄墓在縣西北八里碑爲耕者沒之地華表存焉

東漢地理志曰棗在漆縣其民有會日中以相與夜中市如不爲則有災咎故志曰風俗剛勁不事華侈務學力農有古人之風漢志亦曰好稼穡務本業有先王遺風然風俗與時推移繫諸習尚自予所聞見今已數變矣其可以定論哉成化時人重使氣不肯順理豪傑者至

武功縣志

卷之一 地理

七

於把持治吏鄉人皆相推畏高之或至武斷於鄉今卽有冤者不敢正目下吏矣弘治時習侈善饗無豐儉之節日日擊鼓聚會靡有厭飫少年得分銀尺布則弗計蔬饌置酒彈絃不避長老時節遊行男女率冶容妖服佔佔自見或又好爽快爲賢多言習禮送死奢靡擬諸王侯壻奠婦翁至於傾產蓋承平之久法制明白貪官污吏無所肆意百姓富庶靡有他慮要之天下皆然不獨此也今或不能供賦役葺田廬矣然人事日趨諸簡約亦反古之漸也

縣署在城西北北抵城西抵后稷廟下原麓東抵文廟洪

武初知縣嚴祀重建唐有椰子厚縣丞廳壁記

殷頌曰邦畿千

里周制千里之內曰甸服穀梁謂之寰內諸侯為王內臣其制甚重今京兆府理京師部二十有三縣幅員之廣其猶古也縣吏之長曰令曰丞丞之位正八品下蓋丞述六職以輔其令也秦漢有丞相今尚書有左右丞御史中丞至於九卿之列亦皆有丞下以達天下之縣政有大小其旨同也武功為甸內大縣按其圖古后稷封有郃之地秦作四十一縣郃美陽武功各異至是合焉蓋嘗為稷州已而復縣其土疆沃美高厚有邱陵墳衍之大其植物豐暢茂遂有秬秠藿菽之宜其人善樹藝其俗有禮讓宜乎其大雅之遺烈焉貞元之十五年改邑於南里既成新城比官署舊記壁壞文逸而未克繼之者後三年而潁川陳南仲居是官邑人宜之號為簡靖因其族子存持地圖以來謁予為記夫以武功疆理之大人徒之多而陳生以簡靖輔其理斯固難矣漢高帝嘗詔天下凡以戰得爵士大夫公乘以上令丞與抗禮故為吏益難今天子崇武念功與漢初相類分禁

武功縣志

卷之一

建置

八

旅以守縣道武功為多陳生為丞於是而又職宋有游盜賊其為理無敗事吾庸可以度哉為之記云

靖重修縣廳碑

大觀四年夏六月汝陽劉侯幹以承事郎來宰是邑侯喜於事功臨政不苟夙

夜憂勤以身任責整案牘決訟獄事無巨細靡不究心明年改元政和治行稍著士樂教養農勤田畝強悍者屏息良善者安處老有養疾有醫官無調發民無積逋閭境歡戴政益閒暇一日侯謂同僚曰有官守者嘗樂因循而憚改作事漏弗填忽傾弗支期以代去自為得計其或好游觀務將迎起臺榭陂池之役倚勢作威因緣為奸至於公宇之敝往往引嫌而不加意是誠何心哉及其屋壞垣頽倉皇失措又負偃植疲民盡財不可勝計如是則公府奚賴予待罪於此既喜民之易治又喜前人之用心願瞻庭宇華屋在前金碧輝映乃開封高士微所建手詔亭也堂皇在後規模簡約乃藍谿呂義山所新正寢也淮陽錢秉劄鑿堂大梁李宗作清心堂河南趙茂曾增修錢庫及居養院陽翟孟通廣闢庖舍內外完葺煥然一新唯合廳湫隘故陋殆不堪處驗其故記實天聖中种公世衡改造迄今八十餘年侯復嘆曰不廢不興不敝不新舍此而不事不惟有媿於前

武功縣志

卷之一 建置

九

人之用心亦何異夫樂因循而憚改作者耶制是廳也
頒詔出令承流宣化之所臨制劇邑絡繹兩川喉襟數
路正當四達之衝亦必有以稱矣於是慮材鳩備撤去
棟楹梁榭之折撓與夫蓋瓦級磚之缺者躬自經營悅
使有術人不以為勞增廣制度壯備闔鄰人不以為侈
廳既成侯會賓僚落之是日也黃童白叟闐溢庭下瞻
仰咨嗟始知公府之嚴令尹之尊也如是嗚呼當是職
者必有以處是廳也處是廳者必有以任是責也侯之
祖垣踐歷中外為時問人嘗受知於仁廟有純儒循吏
之稱所賜飛白宸翰至今寶之侯念德不怠果能任責
以孚民望真可謂善世其家者也則斯文之作豈特記
新廳之歲月揚厲侯之盛美又得發明名邑之因以召
後人故係之以詞其詞曰太白崢嶸作鎮坤靈武功山
連亘古長青堯封后稷周賜秦嬴作邑於此因山命名
漢自渭南復古郃城宇文造周易治中亭中亭之川原
隰砥平唐為稷州作輔陪京復隸天府邑是以寧鳳岡
西拱武水南頤人尚禮遜俗務農耕神堯誕聖環遯騰
聲姚合發詠柳子詳評我侯臨蒞訟簡刑清民無調發
兵無戰征匪植其私匪僥其榮克紹祖德允協民情恢
廣制度新於其廳廳非侈已乃尊朝廷吏振其職民樂

其成載瞻載仰政治惟倉二俱在署內原麓下又有古
馨敢告來者無忘經營

倉在社學之西草場一在城隍廟西圍一百
八步

儒學在縣署東北抵城東西皆抵民廬而獨堂西七丈許

抵北街洪武初知縣祀建正統時知縣俊重修宋有縣

令趙茂曾碑士志於道者常患乎不得遂其學得遂其
學者常患乎不得信其志遂其學矣時能

信之則君子以為榮遇焉此武功縣學之興而銘序之

所以作也建中靖國元年夏四月知京兆府孫公覽奏

以壽春縣令趙茂曾知武功事秋八月公去崇寧元年

春三月茂曾始來是秋貢士府十四縣懸格所取武功

居多時嘆息其遺者尤眾既冬邑人相謂曰賊盜賊撫
良善政令之所在也孝弟嫻睦以考其行絃誦講習以
和其心性命道德以進其學實士人之所望焉乃謀葺
孔子廟聚生徒而淺陋不可居十二月有詔建州學縣
學養士之法同僚相語以州縣吏雖尊賤有次其中明
孝弟孰後先耶茂曾矍然以興曰疇敢不祇若王之休

命明年春訪隙地稟於府願易廟西樓店基爲學舍知府事虞公策從之徹木於淫祠經費於計臺轉運副使許公天啓可所請卽日給官錢五十四萬資其用度於是築新基南向爲麗澤堂左右前廡玦布八齋名之以道德皆新作也其東宣聖殿小學職掌之位庖廚祭器隸署所直舊舍足焉補缺益卑與新允稱總五十楹基長二十有五尋廣十有二尋餘六尺經始於二月乙丑落成於三月癸巳嗚呼學校爲事必興於聖人極盛之時三代可監也蓋備所養以期所用今吾君待天下之士厚矣天下之士宜思所以副之茂會何人獲宣聖化且得効犬馬之力於其間爲遇爲榮罔可言計謹拜稽首敘事勒銘著之金石以告學者銘曰夏后庠序商邦瞽宗周王類宮申之孝弟漸摩仁義名殊迹同明明我主超三邁五人材是隆民有彝則好是懿德合由以容家黨衛國塾庠序學慨然聿崇遞升次舉匪私是與允期於公谷爾有衆學以致用勿尸厥中入孝出弟居仁由義敏則有功以副盛據碑則今之縣署乃學不知何時允能庶幾三代之風

武功縣志

卷之一

建置

十

事者姑且居之乃其後竟因而不返與正德八年知縣劉紹重建明倫堂十三年御史張文明行縣以廟學頽敝命知縣孫昌修理更以渭源渡頭抽分益之昌憂去明年御史張欽行縣見其益敝乃與守巡參政畢昭副使楊鳳謀通借咸陽行箴抽稅屬同知趙錦監抽會都御史鄭陽檄至嘉啓厥工提學副使何景明知府劉祥又通責諸知縣瑋茲方集工舉事未已云倉一在堂西南

稅課局正德二年罷

申明亭在縣門外與旌善亭同處舊志言遊鳳有古旌善

亭

邵城驛在縣東南洪武初知縣祀建驛倉即堂左右廂驛
草塲在驛東南城隅

長寧驛在縣東四十五里俗曰東扶風鎮軍站也成化中
移置清水石嘴

諸行署

布政司在宣化街 按察司在縣署西東面

府署在縣南北面 長寧分司即故長寧驛也敝則與

興平縣合力修之

禮部侍郎河東薛文清公瑄過武功書按察分司廳壁持節西來過武功

功扶桑日出曉光紅渭河水遠波聲小太白山高樹影
重遺址已無慈德寺居人猶說有邵封東行無限前朝
事盡在黃塵綠野中鄴御史鄒陽曹璉次韻后稷封邵
萬世功登臨偏感夕陽紅風生武水波千尺雲鎖香山

武功縣志

卷之一

建置

七

樹幾重唐宅基湮青草合許公碑古碧苔封行人欲問
當年事都在漁樵晚笛中侍郎南陽張周幹次韻南有
名山號武功渭河水浸曉霞紅煙迷隋塚高千尺雲鎖
邵封厚幾重比屋詩書多巨室蒲城桃李總花封太宗
唐主曾生此猶說遺踪在寺中鄴御史淳安方漢次韻
誰向茲原啓聖功周人王業伴殘紅猶瞻王氣千年迴
誰道名山萬里重慶善有宮留佛住姜嫄無廟任雲封
連城舊跡知多少都入荆榛瓦礫中知縣宋學通次韻
公暇循阡遍武功滿川春雨落花紅泉通玉井三千丈
雲鎖連城十二重鄴伯遺亭書綠野姜嫄荒塚倚邵封
太宗天子讀書處
遺跡猶存上閣中

諸急遞舖總舖在府衙西迤東三舖抵興平曰韓店可曾

長寧迤東北一舖抵乾州曰董晁

演武教場在東郭門北外

諸社學舊惟儒學西有故稅課局址爾弘治癸丑知縣學

通以提學條約則里置一學又遴選其子弟可教者里

設一師已乃時督率之學各有所在今得詳之有興復

者庶幾因而求焉在城里即儒學西者坊廂里在布政

在遊鳳集奉安里在奉安村韓店里在可曾舖西馬午

里在故長寧驛西興城里在焦上村顯義里在燒香台

渭源里在東渭源村會同里在鄭村永豐里在張捕村

永安里在南姚安村邵封里在高村姚安里在鏡照村

陰陽學在縣門外今廢為縣獄

醫學在大十字東舊有地三間今存其半俱知縣祀所建

養濟院在郃城驛西

僧會司在報本寺

道會司在鴻禧觀

武功縣志

卷之一 建置

十一

漏澤園在東郭門南外

市集在縣方內者三而縣不論最大者長寧集月無間日

遊鳳集普濟集以日相遞而已

祠祀志第三

文廟在縣署東宋知武功趙茂曾建元世祖十五年至元

戊寅縣令王君營復之尋擢行臺掾去長安杜淵繼為

令力成其役宋有大觀聖作之碑天下皆有刻茲不載

元有李顥碑洪武初知縣祀更建正統中知縣俊加葺

治焉有訓導曲新碑二碑文辭鄙

社稷壇在北郭門外完俱不載

風雲雷雨壇在南郭門外

厲壇在小北門外

城隍廟在東門內成化時知縣璠重修正德初知縣鍾仁

嗣修焉

姜嫫廟長安志在城外西南原麓間傍有后稷廟今俱亾

矣今后稷祠在城內西上故實意寺址也弘治丙辰知

縣學通改建祠後又作姜嫫祠按高陵呂柟登詩后

穀廣炎皇苴茅當茲土程德邁無疆有口咸食力罔極

齊寧荅二月武功曲鸚鳴柳牛黃星言拜古祠陟山雲

唐高祖祠在鳳崗之巔前則太白行祠也太白蓋封內故

武功縣志

卷之一 建置

三

山漢永平八年建祠於此洪武丙辰都督耿忠以縣有

高祖故宅故祠高祖於太白廟堂之後而別自為太白

祠記洪武九年春予欽承上命領兵來戍陝右操練屯

田以為邊備東自臨潼櫟陽高陵涇陽三原醴泉

興平乾州武功西抵鳳翔岐山扶風南至郿縣盩厔等

處悉致屯所農作既興厄於亢陽種未得下遠近咸以

為憂詢諸故老皆曰西南太白乃本邑之名山上有派

池歲旱則奉迎是水每禱輒應粵以四月中旬擇日齋

戒躬致祝辭造僧覺用等齋香帛祝文詣山頂投辭請

水既至率官僚吏卒僮僕數百人備鼓吹郊迎展

祭於武功太白之神祠是夕大雨霽霽三日乃止遠近

靡不周沃及六月又旱禱請如前後獲霽足秋八月禾

將垂實旱甚復請禱之大雨隨至變枯槁為欣樂易呻

吟為歌嘯感神之賜甚淫也越明年丁巳夏四月六月

俱旱復奉迎請禱如前歲之儀而亦兩蒙靈貺雨皆尺

餘四輔之中軍民鼓舞二歲之間凡五禱於神其感應

前後一如影響百穀咸成年歲豐登靈貺駢臻曷伸報

答先是鳳崗上舊有神之行祠歲代綿遠廟貌傾損門

無廢闕乃命工匠士卒補完而增修之圖繪兩壁裝塑神像煥然一新又令人於武功故城得神之碑誌於遺廟之側具載太白古今顯靈之跡並歷代加封徽號蓋自唐玄宗天寶中勅建廟貌封神應公宋仁宗嘉祐初封濟民侯七年改封明應公神宗熙寧八年進封神應王其所以衛國濟民靈應昭晰祀典秩然歷歷可見嗚呼人敬神而獲福神依人而廟享人以誠感神以靈佑此幽明自然之理也今以神前後靈感顯應之跡直書刻石置於廟壁庶使後之觀者亦知所崇敬云

唐有李白登太白峯杜甫喜達行在所詩因并附之

李白詩西上太白峯夕陽窮登攀風去直出浮雲間舉手可近日前行若無山一別武功去何時復見還杜甫詩西憶岐陽信無人遂却迴眼穿當落日心死著寒灰霧樹行相引連峯望或開所親驚老瘦辛苦賊中來其二愁思胡笳夕淒涼漢苑春生還今日事問道暫時人司隸章初覩南陽氣已新喜心翻倒極嗚咽淚沾巾其三死去憑誰報歸來始自憐猶瞻太白雪喜遇武功天影靜千官裏心

蘇七校前今朝漢社稷新數中興年

武功縣志

卷之一

建置

四

唐太宗祠在北郭內鴻禧觀三清殿後宋元祐戊辰直龍

圖閣游師雄建有趙茂會碑

軒義傳記罔悉道德乎堯

舜仁義於禹湯文王有周大勳集武而幽厲廢之侯國蜂聚七雄蟻爭以略祖龍而二世亾之漢乘秦虐俯首以取權操與備因漢弱而攘裂晉則虛誕不支而宋齊梁陳潰墊於胡羯正統墜絕有唐階暴隋以興億昭寢衰五代竊據天開地泰乃歸於有宋之真人焉顧若相圖造為興廢者得明主賢臣可取法有暴君汚吏足為戒皆所以資我聖時為永永無窮太平之治具也然歷觀前史惟其有甚於亂之患然後生大英傑之君故必能措海宇於昇平極黎庶於塗炭則漢之高祖唐之太宗其倫乎按唐記太宗文皇帝以隋開皇十八年十二月巳卯生於武功之南有唐慶善宮今為慈德寺乃其所也北日報木寺為神堯之舊宅焉先是縣圖雖載厥事而祀秩無文龍閣游公慨然興嘆率里人即報木北隅經始廟貌法太壯以建殿宇想天日而形塑繪左右壁間悉圖貞觀朝臣英姿凜然彷彿見當時之感於是蕭

嚴致敬有所實元祐三年戊辰歲也後十四載洛陽趙茂曾被命長邑一日至祠下而龍閣公弟師韓語之故且求以記遂記之曰僕元祐末典獄平涼見君之伯氏為使者愛民以道率吏以誠觀其激風俗敦教化使法令美意下浹於田夫野老之肌骨雖古昔名父杜母之流莫有過者若夫執律馭師則折衝樽俎笑談幘幄預計勝否驗若符契致朝廷威靈遠震於辨毛重譯之東穴雖前世班超李牧之輩無以尚矣我思其治今也則

州人侯柏年以廉泉之名誇其閭里而史筆書之不遺厚俗之意豈淺也哉故論前世治亂之迹見文皇帝之英傑因記其祠之者名字云游公名師不知何時作觀

祠前洪武初都督耿忠重修而仍圖凌煙功臣二十二

人於左右壁其上各書唐史本傳乃更刻太穆皇后傳

及帝世系於舊刻帝幸慶善宮詩碑陰跋諸後

日洪武丙辰春

武功縣志

卷之一 建置

五

忠欽承上命領兵萬來關中悉建屯戍因駐武功而控制之武功實有唐太宗誕育之地山川孕靈篤生賢聖信不誣也暇日尋訪故基得古碑於城南榛莽中上刻太宗御製詩二首乃舊立於慈德寺而更樹於安養堂者碑陰載順聖皇后傳歲代綿邈字畫磨滅迨不可辨於是感文皇之聖孝慨盛迹沉湮遂命工重為勒復置於城北鴻禧觀蓋太宗遺像在焉庶使後人益知所敬而傳之永久云洪武丁巳正月十有九日也康長公謁祠詩隋日生靈極羣雄問獨夫八荒歸聖曆數語見皇圖李審終潛洛鄒陽肯事吳瓣香陳闕殿想像賦懸弧

名宦祠在縣署內儀門東外所祀古今三十三人

鄉賢祠在文廟戟門西外所祀古今三十八人

報本寺唐高祖別宅也在北門外 慈德寺見慶善宮

寶意寺見后稷祠 橫渠先生祠見綠野書院 太白

行祠見唐高祖祠 鴻禧觀見唐太宗祠外有東嶽廟

在東郭外漆水東

關王廟在南郭西外坎下

火星

廟在小北門外東北野田中

無名氏慈德寺詩昔年高祖宅今日梵王宮塔聳白

雲外僧行綠樹中
 真容唐列聖墨跡宋諸公
 半日休心處烹茶話祖風
 帝應物經寶意上方詩
 翠嶺香臺出半天
 萬家煙火照晴川
 諸僧近住不相識
 且聽微鐘記往年
 康長公寶意寺詩
 傷秋人事絕習靜入招提
 掃葉坐松下看書忽日西
 青雲雙翼斂白髮近年齊欲別
 浮生者悠悠向爾栖
 前人同高令登太白祠覽李思齊故城詩
 元命厭天紀八表
 雷同昏羣雄各自起
 天眷安所有李生教時哲攬轡來此軍崇墉峙
 溪壑飛鳥不能伸自謂險宜恃寧知君欲仁
 古帝發淮浦裨將入咸秦一鼓事乃定初接身已殉
 冤魂夜夜哭血風千里聞國不務宏遠險阻何足云
 前人書鴻禧觀戴法師墮結髮尚茲道半百靡所指
 因喜宮殿清嘗陪隱逸士翳言談真筌清心詣玄理
 雲冥雙鶴歸露下繁蛩已愧爾煙霞人安得從圭七
 康阜觀東嶽廟賽神詩
 鳴鑼擊鼓天黃昏老姆稽首如蟻蟠
 板呼喊盆震地起鬼怪
 嶢崎相塵吞女兒百十擁隊出
 拽朱點翠如天孫神祇若來雲若垂

武功縣志

卷之一

建置

六

節拍未竟新者奔君不見豐年黍稌禾彌壠夜半催科方椽門

武功縣志卷之一終